

月
滿
樓
詩
集

晉十六國詠史詩

元和顧宗泰景嶽

十六國割據晉土。乘晉之衰。流毒中原。稱帝稱王。縱橫恣亂。二趙則據平陽。據襄國。三秦則據長安。據金城。五涼則據涼州。據姑臧。據廣武。據張掖。據燉煌。四燕則據鄴。據中山。據昌黎。據廣固。成則據蜀。夏則據朔方。其間稍知奉晉。如姚氏。張氏者。鮮弋仲語其子。我死當歸晉。盡節。張軌歷三世。尚能勉守忠貞。餘皆包藏禍心。日圖寇擾。蓋晉去州郡武備。諸戎又不徙邊。內患多。

而外侮集東西凡一百五十六年十六國之亂
實與晉相終始焉諸國政有興替祚有長短禍
有遲速亦繇其主之自致總之不仁得國道難
久安順守之且不足況播虐乎余覽崔鴻十六
國春秋一一參證史事仿詠史例作詩一卷分
國按時臚陳僭亂慨然晉遭諸戎之禍而天下
遂于是分南北也天運使然豈非人事歟

漢趙

三世共二
十六年

劉淵

匈奴人國號漢據平陽僭帝
號元熙永鳳河瑞凡六年

左國城邊肇漢都控絃十萬大單于手文現海驚殊表

毋夢徵魚震異符。五部魏分。我是首八王。晉惠賢堪圖。此人天豈虛生者。虎豹從教踏紫衢。

九天飛鳳集層臺。雄瞰西河。竊據來徐豫。冀燕規大略。陸隨絳灌擅兼才。初教洛土朋游合。終遣匈奴帝號開。安樂追尊劉氏祖。詎從頓冒湖根夢。

劉聰

淵弟弒淵子自立攻晉弒懷愍
僭號元興嘉平建元麟嘉凡八年

變生寄坐掃宮闈。元改光興自立。賊洛水萬人嗟白骨。晉家二帝泣青衣。宮中異孕蛇兼虎。殿上戮冠犬與豨。空說文辭如學士。柘弓銀硯記依稀。

不見黃門奏決秋。官家耽宴儘無愁。壁多尙少鷄儀起。

子盡偏難。螽羽留珉。雋忠良空被禍。又恭兄弟枉懷憂。
老成寢見陳元達。折檻孤忠諫不休。

流星化肉隕平陽。百鬼啾啾夜未央。光極殿中徵相國。
蒙珠國裡見先王。一囊密授期非遠。六璽空歸數豈長。
假手逆奴遭劫慘。中原屠戮報初償。

劉曜

聰族子固。靳準滅聰。子榮纂位。遂殺準。自立。改國曰趙。僭號光初。凡十二年。

熙嗣爲

石虎滅

雄才貫鐵力。能殫十五年來久。據鞍彌晏讓勳平。洛土
允緹伏罪。陷長安。劉家舊草先人廟。趙氏新裡上帝壇。
赤壁光初登極後。入關曾否惕艱難。

妖言左右斬批鱗。羊后椒宮擅寵新。彼貴不能一婦庇。
當今始有丈夫真。花前飲博耽娛樂。塞上軍戎怨苦辛。
變駭西明門外路。蒼天裂石樹爲人。

氏羌巴羯討俱平。自謂雄圖莫與爭。稍潰金墉增憤激。
差攻蒲阪幸縱橫。洛西斗酒乘昏戰。馬北冰渠失陷傾。
擒若匹夫輕喪績。上邽餘燼更何成。

後趙

六世共三十二年

石勒

羯人劉聰臣據襄國僭帝號太平凡十六年

鼓角聲中拜鹿年。盜才乘運獨爭先。三臺早據軍方振。
十郡何封帝自專。冰泮靈昌逾洛水。枚銜輦訾破秦川。

騎兵四萬稱雄。夕白氣郊南。竟燭天。

霸圖自古重軍謀。君子營前倚右侯。威望劉琨奔失據。
風流王衍執包羞。新崇黃屋聲名啓。高鬱靈臺俊彥收。
不記漚麻池畔。愁老拳久釋布衣讐。

自謝英雄磊落。曾酒酣饗士較前蹤。龍興孰競高光烈。
狐媚偏嗤曹馬克。羌落風聲方遠略。蕭牆心腹奈憂悰。
西鄉蛇鼠肥鄉石。變應中山兆鞠訕。

石叩

勒子僭號延
熙凡一年

大雅愔愔豈不君。將家之子又多聞。弓藏若果誅韓信。
鼎定何妨嗣孝文。漫召金戈充宿衛。徒煩玉璽費前軍。

婢兒黃吻無留種。禪讓寧酬百戰勲。

石虎

勒族殺弼自立僭號
建武太寧凡十五年

廿載曾親矢石勞。破車犢子逞雄豪。生靈百萬供營繕。
堅甲東南事驛騷。洛水銅駝秋月遠。鄴宮玉壁夜星高。
天崩地陷愁何用。芝蓋華林逐獸獠。

武鄉雄虎變爲雌。棘子成林歎已遲。姚弋仲存空有骨。
佛圖澄死已無尸。挽衣孫子臺前慘。持斧軍徒關外馳。
司馬笑人偏速禍。阻兵安忍及身悲。

石世石遵石鑒

世虎子在位二月兄遵弒遵
弒弟自立六月又爲弟鑒所

弒鑒弒兄自立僭號青龍

凡四月又爲冉閔所弒

金明門外防凌霄耀武旌旗氣更驕半載易棋三子盡
合家血刃萬魂銷積殃差爲中原報受慘方知天道昭
繼趙代興同敗轍朱龍終遣困崇朝

石閔

閔本姓冉內黃人爲虎之養孫弒鑒并
殺盡石種自立改號曰魏爲慕容雋所
滅

累世牙門屬冉家如孫卯異健才誇議誅孟準謀空建
勸進申鍾號遂加襄國宗支方刻種陘山草木亦戕芽
廉臺一役終淪喪恃勇無謀足歎嗟

前燕

三世共二
十七年

慕容廆

鮮卑人慕容二儀德繼二光容以慕容
爲姓爲晉平州牧封遼東郡公取遼

東嶽提歸城頗忠
王室賜丹書鐵券

高辛遺裔紫蒙居。濟難匡時建節初。段氏尙功無遠略。
慕容修德有嘉譽。龍驤江表勤王室。烏合遼東討賊渠。
翼戴不衰誰竭應。青山終古貫丹書。

慕容皝

虜子初襲公縱乃僭稱
燕王遷龍城在位九年

鎮軍承制奮英圖。屢殄克強構亂徒。蟠螭塞摧平武遂。
句驪國破克丸都城邊。大石排峯立山半。雙龍解角趨。
策命燕王雄海北。甘心戎藪每紆謨。

慕容儁

號子僭稱帝據鄴號
元璽光壽凡七年

鄴中州郡望風降。國璽傳來受命昌。舉事非常誠寡德。

爲人承乏竟稱皇王。驄像鑄興多難。銅雀臺營烈有光。
自宴蒲池。潛出涕。季龍齧臂暗驚傷。

慕容暉

雋子年十一卽位太原王格輔政
號建熙凡十一年爲苻堅所滅

冲幼臨朝懼不任。周公居攝盡忠忱。枋頭戰捷桓溫沮。
洛邑攻平沈勁擒。望去管蕭嗟失政。覆同劉石痛離心。
遼東八十餘年業。號始僭號燕王廆于武帝太康四年
稱公至暉四世計八十有五年回。首。
龍城茂草深。

前秦

七世共四十四年

苻洪

氏人劉曜以洪爲氏王降石虎以草付
識姓苻氏晉以爲廣川郡公自稱三秦

王將麻秋鳩死
之僭位一年

家瑞蒲生夜雨池。武都盟長出秦氏。領侯撫部三千爵。
擁衆窺關十萬師。劉石詎能窮智略。冉姚不足鬥機宜。
指辰欲定中州業。臨歿無忘振虎貔。

苻健

洪子據長安僭稱
帝號皇始凡四年

大熊入夢兆初年。勇毅真推弓馬便。軍濟孟津安堡壁。
都開秦嶺茂人煙。紀元遂爾尊稱帝。下詔居然盛舉賢。
廟社是嘗誇定業。美兼漢晉卜綿延。

苻生

健子止一目嗜殺無厭堅
弑之僭號壽光凡二年

天縱克殘更不悛。瞎兒一淚戲刀鋌。忠良慘慘朝爲市。
左右偷生日似年。鷄鴨殿中方活爛。魚龍海上已回旋。

呂婆樓噪猶昏醉神告先時若啟堅

苻堅

健弟之子弒生自立用王猛平諸國忌猛臨歿言寇晉敗淝水後姚萇弒之僭

號永興甘露建

元凡二十八年

將軍神授履郊臺卽位旋看紫鳳來塞上鄧羌驅鹿手
師中王猛卧龍才鄴宮奏績燕人殄岷嶺銘功蜀道開
果是苻郎成霸略知人司隸早驚推

虽尤垂倣掃星旗不聽忠言遂不支淝水敗因圖晉室
長安失爲寵鮮卑五將走死前勞曠三監乘危後悔遲
景略若存難救禍半由人事半天時

苻丕苻登苻崇

丕堅子僭帝晉陽馮該弒之號太安凡一年登堅族孫僭

帝隴東姚興弒之號太初凡八年崇登子
僭帝湟中爲乞伏乾歸所滅號延初凡一
年

晉陽僭帝敗襄陵族子文高蹶復興秦隴建壇殘旅合
瓜亭據堡衆戎憑三軍豈有神兵助六陌還看覆轍仍
乞伏縱救援繫好延初不保痛堪矜

後秦
三世共三十四年

姚弋仲
羌人永嘉之亂自稱雍州刺史扶風公石虎立弋仲稱疾不賀虎累召乃赴後石祗尊號于襄國以弋仲爲右丞相臨歿誡子曰我死之後當歸晉竭盡臣節乃使使降晉甚稱尊號廟號始祖

表聲漢魏長西羌振自扶風勢益彰襁負萬人雄遠部

節持累世護邊方終依襄國知恩厚卒附中原守義長
忠願一生風烈在高陵爰卜後人昌

姚萇

弋仲子苻堅臣弒堅據長安
僭稱帝號白雀建初凡十年

一戰三原業已傾請降低首國讐輕龍驤假號將興祚
馬牧招羌遂主盟終看入關收舊隴早誇執敵送新平
將牢七載誠多略斬像軍中詎足驚

姚興

萇子征伐諸部靡不率服譯經禮物奉
師鳩摩羅什并有秦涼僭號皇初伊始

凡二十

二年

敗虜苻家盡喪師笑他淚說折鞭笞城攻東洛軍聲振
地略西涼貢表馳議孝李嵩崇美治啟謀碩德洽恩施

獨嫌羅什翻經盛，梵夾流傳異教滋。

姚泓

與子骨肉內難強敵外侵僭
號永和凡二年為劉裕所滅

雉聲中兆禍，秋禾和立國更無謀。
蕭牆骨肉月中變，壁壘干戈又外憂。
屢聽降旛傳洛口，徒教走騎逼橋頭。
可憐佛念知劉裕，自決猶難正首邱。

成漢

六世共四十七年

李特

宕渠人據蜀自稱益州牧僭號建初凡一年

建初乘運霸圖開，巴氏元休勇略推。
早識蜀關為險隘，却嗤劉禪是庸才。
引歸綿竹同讐合，轉戰官桑舊績推。
賴有前軍李雄能振武，益州虎視業重恢。

李雄

特兄稱成都王尋僭帝國號曰成
號建興晏平王衡凡三十五年

口方如器目如雲貴過三公迥不羣帝號自尊爰僭位
官聯初定欲酬勲范賢黃閭延居士班孝青官作嗣君
太息江陽謀亂速刃推諸子痛糾紛

李班李期

班雄兄子李越弒期越
立之僭號王恒凡三年

越也私行廢置權改元又說王恒年方誅羅演矜驕啟
又寵田褒信用專詐警邊書偏騎入真傾主座別宮遷
宋宣餘祭誠開贊得志忘危亦可憐

李壽

特季弟弒期自立改國號
曰漢僭號漢興凡六年

廟改先朝號大成漢興漫欲播英名蜀都進襲謀誠得

晉室稱藩議不行。辟士在教勞東帛。沂江何事苦觀兵。
幽公爲祟偏難壽。天道由來最惡盈。

李勢

壽子僭號太和嘉寧凡二年無道降桓溫遂滅亡

竊據成都閱六朝。嘉寧失緒滅崇朝。桓軍直指雙江水。
漢卒全摧萬里橋。空說宕渠符讖卜。徒嗟關市應童謠。
建康歸義家。後少女猶憐。恨莫銷。

前凉

九世共七十六年

張軌

氏人仕晉爲征西軍司後封凉州牧據姑臧世篤忠貞十二年謚武公

筮易初占霸者風。河西保據領西戎。常山家世追張耳。
邊衛聲名埒寶融。紅水塞開河勢遠。姑臧城築地形雄。

晉方多難。堅臣節。十二年中。自守忠。

張寶

軌子。晉封征西大將軍。劉劭之禍。被弑。在位六年。諡元公。

玉璽非臣所得。留長安。寶獻効忠。秋遣兵。屢盡勤。王義上表。彌申奉主謀。一自山中妖術煽。遂遺帳下逆邪憂。靈鈞臺建空。追痛貞順當年獨寡儔。

張茂

實弟。臨終囑姪駿曰。我家世世忠貞。汝勉之。在位五年。諡成公。

天梯禍起太披猖。立長陰元重守疆。最惜晉朝承刺史。可憐趙氏作涼王。秦州土闕徒增置。隴上軍臨竟莫當。白紵入棺終抱恥。須知翊戴總難忘。

張駿

茂姪。衆勸稱涼王。不聽。後乃置官號儀。如王。皆疏。晉北伐。能守忠貞。在位二十

二年證
文公

涼王勸進始堅辭車服終教擬上儀霜雪非時曾納諫
春秋有事亦垂規賓遐麗設佳人館祈福崇修王母祠
獨上疏言陳北伐四朝忠藎尙無虧

張重華
駿子嗣立九年諡昭公

河湟分郡業方新紹緒西平詔屢申枹罕驅兵先挫趙
上邽拔壘繼摧秦却工博奕荒朝政徒賜金繒近嬖人
謝艾手徵嗟事去臨春寢疾暗傷神

張曜靈張祚
曜靈重華子繼位二月趙長等廢曜靈立祚祚曜靈兄也自稱

涼王旋殺曜靈驍騎將軍宋混率衆向姑
藏張琚等應之入宮遂殺祚祚偪號和平

凡一
年

趙長廢立擅持權得志寧侯用自專殿上迎神交語夕
壇中郊帝改元年索孚斬後風傳檄宋混臨餘禍中挺
怨憤衆心徒召釁可知淫虐早違天

張元靚

重華少子張琚等立
在位九年謚沖公

七歲沖人賴翼扶虎生食肉剪無虞稱王詎敢仍尊號
作牧還教襲舊符旣痛張邕方擅殺遂嗟純嘏又行誅
妄言靖難須更主再看蕭牆害切膚

張天錫

元靚叔絳姪自立在位十
一年爲前秦苻堅所滅

請命曾煩詣建康苻強近迫實心懷佛毛鹿角災非一

松葉楊枝異必雙。宮內美人俱效死。陣前將士盡迎降。
桓沖莫救涼州敗。酒色荒耽自喪邦。

後涼

四世共十九年

呂光

氏人其先出洛陽爲苻堅臣叛據姑臧自稱天王僭號太安麟嘉能飛凡十三

年

業繼宴樓本洛陽。三河王更作天王龜茲克捷收羣部。
隴右咸綏據大疆。雲護蒼麟金澤見。風迴白鷺酒泉翔。
弟兄若果承遺命。涼祚應教卜世長。

呂紹呂纂

紹光子光在傳位僭稱太上皇紹在位一年纂紹庶兄纂紹位沉湎

無度呂超弑之僭

號咸寧凡一年

永樂誠非撥亂才。猥居元首總疑猜。臨喪排閣勳方讓。謀逆攻門事可哀。獵喜變乘銜。楓至醉昏禍自輓車來。珉華劍擊同前轍。不二三年天道催。

呂隆

光弟寶之子。呂超立之僭號。神鼎凡三年。爲後秦姚興滅。

揅戈偏忌運屯邐。神鼎稱元詔冊宣。終憚二凉成近逼。遂駢萬戶事東遷。秦家歸命風方附。興子連謀患不悛。回首高陵十九載。一朝屋社委荒煙。

南涼

三世共十八年

秃髮烏孤

鮮卑人。呂光臣自稱西平王。據廣武。僭號太初。凡三年。

河西都統奉烏孤。士卒同袍馬飽芻。五郡全收籌遠略。

三強橫瞰策先圖。紛隨大將軍前寄。趙振書生帳下趨。
講武務農隣好結。呂光安所限馳驅。

利鹿孤

烏孤弟又稱河王
僭號建和凡二年

南涼始置尙書官。不務虛名計久安。移治已教城郭繕。
徙民還念室廬完。英耆咨政勤施切。兄弟傳家守業難。
縱使秦強能固本。徵賢儘許讓楊桓。

傉檀利

鹿孤弟先稱涼王以姚興勢盛乃去
號獻於興尋復稱王僭號卯昌嘉

平凡十三年爲
乞伏熾磐所滅

涼王機警據雄封。宣德堂前感舊蹤。乙弗孤征求遠部。
熾磐近襲失崇墉。五經之表人何有。翻用韋朱四海而

遙身不容。正用僭檀莫罪虎臺偏墜緒師行而順詎占凶。夫國後語

北凉二世共三十九年

沮渠蒙遜胡人呂光臣起兵推段業為涼州牧尋弒業遷姑臧自稱西河王僭

號永安元始承元凡三十三年

沮渠本作段家丞變召蘭門纂弒仍張掖稱公羣部懼姑臧僭號要都憑備藩東晉聲方遠并國西凉廓更增三十三年雄竊據遊林談燕頗矜能

牧健蒙遜子僭號永和凡六年為拓跋燾所滅

永和代繼守遺疆卽位河西治北凉修省或堪所履熾

盤游何不凜其亡。血流石像驚多異。宇滿神書訝不祥。拓跋生降終斬祚。七年張慎入憂惶。

西凉

三世共二十四年

李暉

胡人段業以爲燉煌太守自稱西凉公

奮跡燉煌氣掃霓凉公聲振玉門西二州領牧經方遠

六郡移書按部齊學廣泮宮崇風厲訓垂曲水盡提撕

霸才亦自能圖業索嗣何須更請詆

李歆李恂

歆暉子嗣位僭號嘉興凡九年恂暉弟僭號永建凡二年爲沮渠蒙

遜所滅

葛盤黃鳥木爲妖土業輕兵氣太驕張掖昧機驅騎卒

蓼泉喪績。墜宗祧。宋繇忠諫悲當日。尹母慈言悔昨朝。
恂入酒泉。稱刺史。并遭屠慘。萬魂銷。

後燕

四世共二十三年

慕容垂

號子初封吳王以車騎大將軍敗桓

溫枋頭威名大震為慕容評所忌出奔秦及苻丕敗垂遂據鄴僭稱帝號建興凡十二年

枋頭戰捷却奔秦覆質成基復舊勳鷹飽本將冲碧漢
龍騰况更借青雲辭苻遂定中山業克魏還憐參合軍
一旅少康關運數嫉讐景略計徒勤

慕容寶

垂子出奔評亦僭帝中山薨又弒評自立魏攻出奔南汗弒寶僭號永康

凡二年

濟世無才主薊方。輕兵屢出勢更張。亡親一母先行弑。
竄亂三君互自戕。可惜中山空失守。致嗟外邸竟罹殃。
幸誅蘭汗龍城振。收燼還歸長樂王。

慕容盛

實之庶長子殺蘭汗自立慕容國之變被弑僭號建平長樂凡三年

西。師。盡。出。肅。圖。中。早。識。中。郎。鎮。薊。功。馳。急。赴。哀。謀。靖。難。
告。成。改。號。制。稱。雄。十。年。討。叛。遼。西。服。萬。騎。開。疆。高。麗。通。
何。事。禁。牆。嗟。構。變。卒。教。宵。小。亂。深。宮。

慕容熙高雲

熙垂少子治宮室事游畋寵妃苻氏死服斬縗如喪考妣中衛

將軍馮跋弑之立高雲雲慕容寶之養子封夕陽公跋等立之即天王王位復姓高氏國仍號燕後為幸臣離班桃仁所弑馮跋篡位雲僭號正始凡六年

襲位河間事太顛恣爲淫虐日驚然騰龍起苑影徒卒
白鹿遊山極海天哭后斬縗如妣喪營陵圖像欲身捐
高雲養子潛行纂終遣班仁滅後燕

北燕二世共二十八年

馮跋

信都人後燕臣弒主熙立高雲隨又殺雲自立居昌黎僭號太平凡二十二年

本無勛德夕陽公國號仍燕姓易馮授甲乘危方翊主
升門觀變自圖功君人頗識須勤學禳禍當知在省躬
太弟一朝屯紫禁驚心射女閣門東

馮弘

跋弟殺跋子翼自立後爲拓跋燾所滅僭號大興凡六年

岌岌龍城漸不支未聞謀略因前基襲疆空擁燕邦衆

失郡旋遭魏國師。鼠渡萬羣編戶徙。火焚旬日故宫移。
句麗兵入爲殃烈。翦滅徒貽社稷悲。

南燕

二世共
十一年

慕容德

垂弟亦銑子。僭帝自鄴遷廣固。死後爲十餘棺。夜分出四門。潛瘞山谷。莫

知其屍所在。僭

號建平凡五年

自鄴初遷據滑臺。進籌廣固。帝都開五年。行制勳方懋。
一紀占符運。若催天子津。傳時會。應大夫塚。問地圖。推
十棺死後紛埋谷。故智曹瞞動世猜。

慕容超

德之弟子克虐無道爲劉裕所滅。僭號太上凡六年。

心膂偏教倚五樓。任奸詎克撫齊州間。關縱合金刀喜。

行路徒增黃犬愁。宿豫漫侵讐。自召臨胸。旋破國難收。
超克未必如劉石。竊據終難致遠謀。

西秦

四世共四十七年

乞伏國仁

鮮卑人苻堅臣稱大單于據金城僭號建義凡四年

秦將司繁舊有聲。國仁代據隴西兵。屯龍遂作宛川主。
列雉還開勇士城。伺釁生心付草敗。苻堅生有文乘虛在背曰付草
藉手步頻征。旌旗色壯單于號。建義稱元衆部傾。

乞伏乾歸

國仁弟自稱西秦王爲兄子公府所弑僭號太初更始凡二十四年

河南假鉞命初膺。都定金城緒自仍。秦室忌強朝不遣。
宛川奔返制還稱。七千斬騎氏羌盡。二萬遷師枹罕憑。

詎料于田。梟集手禍。生兄子。未能懲。

乞伏熾磐暮末

熾磐乾歸子嗣立僭號永康建弘凡十五年暮末繼立僭

號永和凡四年爲夏赫連定所滅

車轅公府痛。嶮岷長子承。祧號永康。早報獻俘。平吐谷。更傳驟騎。并南涼。永弘襲。緒民多叛。大夏乘墉。祚遂亾。四十七年。垂四世。高平遺裔。總摧傷。

夏

三世共二十五年

赫連勃勃

匈奴人初事姚興後自稱大夏天王以王者繫天爲子是爲徵赫質

與天連改姓爲赫連氏據咸陽僭稱帝號龍興鳳翔昌武眞興凡二十年

連天徵赫姓。初更黑水西南。統萬城。開鎮長安。京觀壯。

封壇。灞上。帝圖成。千年石勒。誇鴻軌。百尺臺崇。極駿聲。
招魏服。涼門盡闢。雄心直欲逞縱橫。

赫連昌

勃勃子與魏戰于黑渠敗績徙都安定繼魏攻克安定追擒至魏封昌秦

王卒爲魏所殺僭號承光凡一年

戈。操諸子國謀非昌立旋看就式微。天早墜魚曾示變。
石如浮馬豈徵機。上邽奔竄旌旗靡。統萬摧殘風雨飛。
安頡追禽膺魏爵。平城一去痛無歸。

赫連定

勃勃弟昌爲魏擒率衆據平原僭稱皇帝既克長安旋失之奔上邽卒爲

魏所滅僭號勝光凡四年

眺望。苛藍拂淚痕。長安空取歎。平原擊涼尙欲籌。長策。

和宋徒教結外援。連歲寇師頻進逼。距河殘土莫孤存。
狐鳴咄咄驚天道。被繫休嗟吐谷渾。

北齊詠史詩

元和顧宗泰景嶽

前曾題謝蘊山中丞西魏書有感于北齊事綜
其一朝始末雖神武文襄未及身篡國而握
權憑藉實始開基所謂如龍如虎者也今自
神武至後主史冊所書者編之于詩興衰得
喪之故昭然可覩抑揚叙次中竊比附綱目
之旨卽歌詠以寓微意不敢徒尙富麗爲工
爾

渤海乘時蓋世雄。早從憔悴策殊功。笑談剪馬奇謀入。

痛哭收刀詭誓空。如此狂愚穿鼻後。不難屈僵舉鞭中。
一朝陽曲崇牙建。玉帳威收六鎮同。

其二

天柱明光殿上推。壺關屯甲羽書催。箏邊載酒申慷慨。
帳外貽褰釋忌猜。殷薊卻聯唇齒計。乾昂况盡弟兄才。
信都享士椎牛夜。部曲齊心刺史臺。

其三

廣阿聲勢震陽平。雲卷旌旗入鄴城。丞相自爲開霸府。
大君又立擁神京。合圍銳用三千馬。夾水橫摧廿萬兵。
千古韓陵一片石子昇。拓筆勒勳名。

其四

遠近軍形。嗅地諳將軍。飛振洛陽驂。黑氈舊制人。蒙七
黃間新勞主。易三高踞河魁。凌華北條移。熒惑入杓南。
可憐簞食稠桑走。發啟空煩四十函。

其五

潼關追騎返。長安東魏遷。都再卜年孤。注紫宮承父制。
竊娛黃鉞攬朝權。濟河早拔金墉地。困雪猶圍玉璽天。
想見閭中書事者。宵宵機密草蠻箋。

其六

夜渡蒲津逼四郊。飲飛猛氣戰空交。大呼莫破王羅冢。

月滿樓詩集

卷二

盛門誰傾黑獺巢。縱幸印山逃利槩。已嗟渭曲絕征鞘。
請師借一猶侯景。忍覩旌功遍柳條。

其七

部署公家鎮晉陽。星樞有子領巖廊。窟營預築三城密。
壘斷先收四貴狂。門外刀環威望立。宮中心腹要機藏。
詔官曾改停年格。任選私才宴羽觴。

其八

大畧雄邊賀六渾。雨朱滅後奮煙塵。數千麟起同袍卒。
七萬雲埋一豕人。語作鮮卑歡合帳。歌成敕勒泣沾巾。
鼓山山下空秋草。猶問魚燈漳水濱。

其九

巨觴屬主更誰欺。殿上揮拳事太奇。自古原無不亡者。
于今何用此生爲。莫嗟荀濟防危急。轉恨闌京召變遲。
太息含章堂裏去。痛吟靈運子房詩。

其十

火。燃。束。葉。要。飛。騰。晦。匿。沉。機。若。不。矜。兩。代。虎。龍。憑。勢。伏。
一。朝。殺。癘。向。天。登。逢。干。非。俊。甘。歸。惡。舜。禹。何。人。妄。試。能。
底。事。鑄。金。成。像。後。圓。邱。典。禮。竟。香。升。

十一

此人又似不相容。九錫加餘便九重。玉璽殿前辭故主。

戶部相言集 卷二
犢車廊外就藩封。六宮別魏銷珠翠。一后歸楊愛鼎鍾。
空道蔚宗傳獻贊。虞賓不久毒遭克。

十二

拓跋河山唾手收。金戈耀武黷遐陬。契丹道斷昌黎夜。
突厥兵降馬邑秋。擊狄黃瓜終破膽。叛梁白額亦迴頭。
居然貢獻金縢溢。匪直威聲到石樓。

十三

數載勦勞馬上誇。荒淫酗酒太紛拏。長城逼漢三千里。
舊族戕元七百家。妓首擲筵徒對泣。將胸擬槩不驚嗟。
桃枝請騎言誠妄。尙瞰關中制命睢。

十四

浪說亡高是。黑衣焚絲空。斬豈知幾。請王半惜尊。前盡
先帝難。論地下。非萬戶。霜雕愁。殄瘁三臺雲。壯鬱崔巍
臨。徂臣下。誰流淚。紫陌還驚。稍騎圍。

十五

五千警備逼憂虞。奈此周公攝政餘。鷲鳥得巢籌護卵。
騏驎斃厩計。驅驢何容漢。嫗頻斟酌。縱惜楊郎詎。齟齬
無復扣刀娥。永樂濟南從此遜皇居。

十六

厲鬼爲仇報豈誣。卻徵長廣握瑤圖。衣緋酒後君無母。

對梨花。前後與奴漫斫。河冰忘慮。遠怕成灰。土愛耽娛。
黃門妙擅琵琶。奏寵冠羣。僚勿負孤。

十七

豈是河清便改元。彗星見後極稱尊。巨羅髻上偏工諂。
帶玦拳中總抱冤。光起佛牙戕甲第。儀崇赤棒埒丹闥。
武成一自升遐後。免作乾明擅鄴園。

十八

龍子除奸事絕佳。何當諂佞淨朝階。相公奇畧今育老。
保母雄才背女媧。明月照天流謗訕。龜茲爲國滿優俳。
殺人總出蒼頭手。宗戚忠良仗擊排。

十九

無愁一曲盡魂銷。宮火宵燃徹紫霄。浴斛蠹狙觀裸臥。
貧村藍縷乞招邀。鬼巫食郡分殊號。狗馬加封匹上僚。
每宴動教逾巨萬。果然千載敵崇朝。

二十

宮婢新妝媚綺紈。平陽軍裏竝雕鞍。一圍更殺大家樂。
十步方攻妃子觀。入鄴勞師猶掩笑。奔陳逼騎自遭殘。
那肱賣主提婆叛。第一當年寵要官。

南都詠史詩卷三

元和顧宗泰景嶽

泰奉

命纂修明史綱目十六君事蹟謹編

次呈進又奉

命將福王南京事蹟纂成編

伏仰前者通鑑輯覽成昭垂

睿製折衷體

例至正大公以崇禎十七年明統猶存仍當大

書紀歲卽福王稱號尙可比建炎之例必俟燕

湖就執始書明亡若唐桂二王窮竄邊隅苟延

日月不可以統系屬之徵實定名法戒萬古正

統偏安之義權衡必酌其平揭鴻準而屏私言

爲百代史書所未有至莊烈帝得邀熙朝

盛德加謚建陵而先後殉節諸臣追予易名之

典此真恩加異代度越千秋泰因編纂旣

竣深歎南京立後福王日卽惛淫權奸奄豎互

敗國家善類肆殘禍機屢煽且徵歌酣酒賞濫

工繁燕雀巢堂細娛是翫更復橫徵莫惜新餉

不予驅事日非毫無警省以致將卒悍驕于四

鎮官僚水火于一堂岌岌殆哉不可收拾設使

當日稍能自立。嘗膽卧薪。尚恐無救。已殘之局。將灰之燼。而乃偷安旦夕。泄泄罔知。此國之必亡。有所由亡者也。臨文感慨。一一見諸詠歌。以紀其事蹟。長言不足。或與史相引申焉。不詠甲申以前。江南頽廢至此。而極因續編而寄詠也。其統系之分別。并及唐桂二王一奉。聖訓之準繩也。變風變雅。古卽有關史書。今以史事推波助瀾。叶之韻語。其底幾不謬于興觀之旨歟。

淚灑新亭痛不勝。南都擁立奉尊稱。蒿萊滿目空千里。

風雨寒心自二陵。泗鳳。二陵移牒。早知七不可。張慎言。姜曰

可。法曰。福王倫序當立。而有七不可。貪淫。酗酒。不孝。霍

下。不讀書。干預有司也。馬士英旦夕與入相。及督師。厚

陽。命下大怒。且以可法所封章。誰勵十中興。慎言爲吏

與士英七不可書奏之。中興十議。日節鎮。日親藩。日開屯。日叛逆。日僞命。日襄

恤。日功賞。日起廢。日懲貪。日漕稅。中字平仄都用。

可憐幕上營。巢燕忘却頻。危履薄冰。

河北山東發詔哀。可法請速頒監國登極二詔。淮陽幕。

府夕陽開。福王稱帝南京可。五營空制熊羆將。時左良

十萬號百萬前五營為親軍後五營。四鎮徒爭狼虎才。

為降軍每于春秋肄兵武昌諸山。

分淮楊廬鳳為四鎮以黃得功劉良佐劉澤清高傑領

之皆毆辱不臣不能同心戮力可法開府揚州時主事

萬元吉請奉詔宣諭四鎮渡。豈有澶淵孤注在不聞淝

江諸請將營約共獎王室。

水捷書來傷心千古梅花嶺一木難支大厦摧。可法死後家人

以袍笏招魂葬于揚州郭外之梅花嶺可法

死按在我朝順治二年四月踰年乃葬

銀繒散士激同仇。諸將以江南立君欲引兵東下左良

之曰此皆先帝賜也何

心獨有之乎衆乃定

烏合終難西楚收。時進良玉爵為寧南侯專

殆盡其後歸者多烏合良玉亦老且病終無出師意金
甲凋戈拯難地花鎧翠舞宴賓秋在武昌諸營倡優歌
共鼓行酒妖氛張角殘中夏我志王敦踞上游何待九
履寫交錯妖氛張角殘中夏我志王敦踞上游何待九
江傳檄反負心始歎負臨侯良玉至九江邀袁繼成入
繼咸正色曰先帝舊德不可忘今上新恩亦不可負良
玉色變乃改檄爲疏駐軍侯首繼咸歸方謀拒守而部
將郝劬忠隱約良玉兵入城殺掠縱火殘毒時良玉已
疾篤望見城中火太息曰吾負臨侯嘔血數升遂死
先朝逆案竟掀翻瑤草招權日訟冤阮大鍼名在逆案
周延儒內召大鍼輦金錢要之維揚求滿濯延儒曰吾
此行謬爲東林所推子在逆案可乎大鍼曰瑤草何如
延儒許之旣而士英起兵部侍郎總督廬鳳軍務福王
立士英秉政招權日事報復而士英必欲起大鍼荐大
鍼知防亂千秋存舊揭復社惡大鍼甚作留都防亂知
兵防亂千秋存舊揭逐之大鍼懼乃閉門謝客知

兵一日中奸言命大鉞冠帶陞見乃上守江策時給事

中羅萬象疏輔臣荐大鉞或以愧世之不知兵者然

大鉞實不知兵望禁其復用以杜姦邪覲餽之端

增龍馭紛斜勅歡結貂璫總奧援言故事九列必用廷

推乃者中旨頻降司農繼之少宰未幾而大鉞司馬又

繼之其爲墨勅斜封之漸有不待問者初大鉞在南京

與太監韓贊周暱及北都陷中官悉南奔遂因贊

周徧結羣奄因極口稱大鉞才子是有司馬之命狗賤

職方街督走袁繼成請以陳麟鄧林奇爲總兵大鉞索

之語日職方賤如興寧宮遠怨迷惛

狗都督滿街走偏安且不及臨安鉤黨徒將善類殘并少武蕃謀救濟

長嗟俊及被糾彈時起廢籍張慎言荐吳牲鄭三俊等

指慎言及牲爲奸邪呼徹殿陞史可法奏慎言所荐無

不當諸臣痛哭喧呼絕滅法紀給事中羅萬象御史王

孫蕃等俱疏奏而吳玠竟不復召慎言遂許乞休既劉
澤清入朝又糾疏呂大器諸人且荐逆案張捷鄒之麟
張孫振等士英遂削大器籍自後朝端水火輔奸包禍
姜曰廣劉宗周徐石麟高圖等相繼罷去
宸屏挾上非馬公不立逐馬公天下議上背恩遂慰留
之將悍營私國柄干武臣各占分地賦入不上供猿捧
金駝狂飲醕更傷跋扈食心肝嘗召客飲酒幕蓄兩猿
呼名卽至一日宴其故人子酌酒金駝呼猿跪送客邊
巡未取澤清曰君怖耶取囚撲死剗其腦及心肝和酒
付猿捧之飲醕自若其兇忍類如此揚州告急命往援
澤清潛謀輸欵我朝惡其反覆不可用遂磔誅之
克行銅鑊走西關李自成屢敗益強狠自用製銅鑊賊
又猖狂扼蜀山時張獻忠據全蜀命王應熊爲兵部尙
討之又遣御史米壽圖巡按四川命吏部簡堪任監司守令者從壽圖西行縱合諸軍飛檄

應時一荷起舊將甘良臣爲總統合泰將楊展等所携
潰卒三萬人復叙州而副將曾英亦受節制一荷移
駐納溪遂與應熊會瀘州誰清餘孽整師還獻忠賊黨
檄諸路兵俱刻期並進英戰歿應熊避之畢節衛尋卒一荷獨駐江上爲偽官
收復計時蜀大亂諸將復據地自擅一荷令不行偽官
開府持龍節以前兵部尙書張縉彥總督北直山西等
走竄歸河南給事中李維樾言縉彥閭閻失机寸斬莫
贖逆賊入宮青衣候點安能收復河北總督何官顧昇
賊臣土英等戍卒巡疆墜鳳班前僉事越其杰本坐賊
竟勿恤也
姍姍特起爲河南巡大將無功邪黨敗總由顛倒出奇
撫老憊不知兵事

不分蕭牆起釁多土橋轉戰自尋戈將軍闔外頻移鎮

天。子。宮。中。費。解。和。
初可法置得功儀真與傑陰相牽制登萊總兵黃蜚將之任與得功同姓

稱兄弟移書請兵備非常得功率騎往迎傑疑其圖已
乃仗精卒邀擊之至土橋伏起夫集馬踣騰他騎馳得
功反門得免遂訴于南京願與傑決死戰乃命太監盧
九德及可法遣監軍萬元吉和解之既可法遣諸將分
守要地傑告警飛章偏阻格鄧州之圍可法及傑澤等
遂駐徐州然闖賊尙張不無臨危請餉更蹉跎可法出
雖在河上然闖賊尙張不無臨危請餉更蹉跎可法出
後慮豈遂投鞭乎卒不應閱澤清士馬返揚州請餉士
英斬不發可法疏趣之邳州之圍賴榆豐沛皆失可法
以聞士英大笑坐客楊士聰問故士英曰此史公妙用
也歲暮防河將吏秋江剩應叙功耗費軍資應稽算此
爲叙功稽算地耳秋江剩得宗留守死抱孤忠與渡河

江南一髮勢方危何事羅鉗吉綱爲時設廠衛緝事官
疏委鬼痛貽鷹狗禍覆巢忍逞爪牙私縱除湯沸原無
諫補稍減盆窵且自支時彭年疏入責以狂悖沽名謫浙
江按察司照磨及佳彪上疏論樊

姜曰廣援俞旨羣奄共撓之曰廣日緝事不除宗社且
不可知何厥衛之有乃改五城御史體訪罷緝事官不
設按當日諸臣疏諫不因除此一事有救將亡之勢不
然非法慘刑幸免殘毒苟非力爭煽虐何可勝道不
見清名僧袖內若教煽燄可勝悲又稱潞王為趙之龍
所捕下鎮撫司獄勘訊大鉞與張孫振欲假以誅東林
令大悲引諸臣擁潞王可一網盡也造十八羅漢五十
三參之目書可法宏圖等名備一時人望納大悲袖中
將窮治其事廷臣皆自危士英不欲遽與大獄乃第當
大悲妖言律斬而止

兵火西風滿塞笳歡娛偏自選良家以母妃命選淑女

匿者降紛馳黃紙封香戶有女之家黃紙貼額端肆擾隱

里連坐給事中陳子龍御史朱國昌等皆疏諫乍命

褻走繡車禁訛傳誑惑尋復使太監李國輔四出搜采

重事魏公爭蟋蟀駭心晉帝聽蝦蟆春宵祇許宮嬪醉

江上誰摧玉樹花

閭井蕭然陷洛陽。却興土木建瑤房。先是洛陽之陷。福王母妃相失。既立。

迎至南京。三日內搜萬金充賞。又諭工部。以行宮湫隘。修興寧宮。慈禧殿。尅日告成。雕栢繡柱。春

風暖。鳳帳龍牀。花氣香。御用監內官講工料。置龍鳳几。

數十萬。又光祿寺辦御用器。至萬五千。傳綽有心空牘。

七百有奇。一時土木繁興。賜予無節。摩訶無策盡江防。以阮大鍼爲

諫。時工部侍郎高倬等。奏請裁省。皆不納。江防又命馬士英閱兵。不修軍壘。修宮室。枉括金銀。太病狂。

子夜華鐙奏曲妍。紅牙按拍聽風前。輕紈字妙烏絲格。

小部聲催燕子箋。阮大鍼以烏絲闌寫所作燕子箋。猶

進之。又有雙金榜獅子。賺諸傳奇。帳後庭徵曲譜。却忘原廟缺宮縣。福王居興寧宮。愜然

不樂。朝贊周請其故。

王日黎園殊少佳者贊周泣日奴羽書况急空江外圍
以爲陛下或思皇考乃作此想耶

逼樊城困幾年

猥云助餉督江東囊括多填馬口中時民間有括盡江

之納到金花儲已竭初命太監王肇基督催金花銀羅

又於閩浙增權將酒稅用逾空士英請權酒助旌旗江

派二十萬時良玉子夢庚兵勢尙盛自彭澤以下皆陷

上還邀賞得功駐軍荻港進拒于銅陵破之阮大鍼等

遂虛張捷音殺肉軍中獨論功遣文牒至夜半倦索酒

以邀爵賞殺肉分給不奈倫安殘局蹙酣歌恒舞尙深宮

太子王妃事有無須知骨肉總難誣明人有自稱崇禎

太子者下獄治之

初北都之變李自成劫太子慈煥西走不知所終至是

有自北來稱太子面諭府部九卿科道辨驗真偽羣臣

月滿樓詩集

卷三

南都詠史詩

六

奏係故駙馬都尉王昺姪孫王之明會侍東宮家破南
奔鴻臚少卿高夢箕家丁穆虎教之詐稱太子乃下之
明于獄黃得功抗疏爭之曰東宮未必假冒先帝子即
上子未有了無證明混然雷同者恐廷臣誦徇者多抗
顏者少即明白識認不敢抗論取禍左良玉亦疏請保
全以安臣民之心江督袁繼咸亦上疏湖撫何騰蛟亦
力奏北來太子不可殺時以王之臣自供甚明法司將
審明節畧論之而已又河南婦人有自稱王妃者下獄
治之婦人童氏自稱藩邸王妃劉良佐信之巡撫越其
杰具儀送京乃以爲假冒下錦衣獄以前御史陳潛夫
嘗于途次稱臣亦逮治之中外譁然良佐因言王之明
童氏二案未協輿情懇求曲全兩朝葵倫毋貽天下口
寔按童氏周府宮人逃亂至尉氏縣依福王于旅邸生
一子已六歲太妃自河南來陳潛夫奏妃尚在王不召
馬士英亦言苟非至情豈敢自詣宜迎入宮不聽獄中
細書相遇月日及睢州情事甚悉呈覽棄不視王命屈
尙忠嚴行拷薶蕪采後嗟陰雨鸛鵒奔餘痛舊雛直廢
掠斃之獄中葵倫終不問并淪冤獄復何辜人間故劍飄零盡魂斷

天閭不可呼

投鞭竟渡下江艘我朝神兵北下臨江乘霧潛濟陸

之及迫南岸明軍始知倉十六傳君世運銷明傳十六

黃列陣鐵騎蹙之悉潰黃列陣鐵騎蹙之悉潰

七十鼠穴不知三罪大我朝下江南討福王時數明

七年關燬宗社覆不遺一兵不發一矢如鼠藏穴其罪一也

及我兵進勦流賊西奔不行請命擅立其罪二也不思

滅賊復讐諸將各自擁兵擾龍關迴計一年遙迎福王

害良民自生反側其罪三也子龍江關王素服角帶哭五月朔王謁孝陵奉先殿出

居內守備府羣臣入朝按福王立于南京為甲申五月

乙酉稱弘光元年為我大清順治二年是年五月

我兵下江南福王奔太平於蕪湖就執在位閱一年

煙花建業空前夢兵火蕪湖歿晚潮自古忽亡緣主德

鍾山落月冷青松。閩嶠滇江又去蹤。殘喘苟延猶鬥虎。

南京破總兵鄭芝龍等奉唐王聿鍵入閩。遂監國。旋自立于福州。大兵克紹興。閩中大震。聿鍵出走。方至

汀州。大兵繼至。與妃會氏就執。飭聿鍵死于福州。于是兩廣總督丁魁楚廣西巡撫瞿式耜等迎桂王由

榔監國。遂自立于肇慶。及大兵克廣州。由榔走梧州。大兵逼梧州。乃復走桂林。會

桂林獲全時。以嚴起恒為禮部尚書。兼大學士。朝政壞于五虎。起恒不能匡救。五虎者。南陽伯李元允。握大權

而都御史袁彭年。少詹事劉湘客。給事中丁時魁。窮途金堡。蒙正發附之也。營私植黨。時人目為五虎。

彌蹙。豈安龍。大兵深入寧遠。伯王永祚迎降。式耜又死。由榔乃自梧州奔南寧。時孫可望據滇黔。

受封為秦王。可望遣兵至南寧。殺大學士起恒等。繼可望又遷由榔于安隆。所改曰安龍府。日益窮蹙。後李定

國奉由榔走雲南。于是屢歲奔竄。走永昌。走騰越。走南甸。送入緬順。治十八年。緬人執由榔送軍前。明年四月

由榔死。景祥海外存餘閩。宋帝是在位三年。號景炎帝。于雲南。景祥海外存餘閩。宋帝是在位二年。號祥興。明唐王

借號數月桂王孤存數載文陸厓邊竭苦悰二王邊隅
正如昞曷之瘴海流離也倫息窮蹙
無成其時從亡諸臣守節捐軀者各復不少同此流離
與宋之文天祥陸秀夫輩忠烈正復相埒云

千秋

睿論稟權輿統接麟經例特書

輯覽

御批甲申歲命大書崇禎十

七年分書順治元年以別之仰見

縱陟煤山年尙紀直

體創之公正謹嚴直接春秋也

奔姑浦國方除

順治二年五月大兵至蕪湖明總兵田

雄劫福王由崧降執至南京

御批李自成陷京釋

師不遽書明亡必俟次年福王被執而後書明亡

釋

囚封墓憐忠盡哀楚苞稂憫劫餘惟有
至仁存至正竊編勝代感歎獻

古來詠史詩以七絕著者唐漢南從事胡曾有詩三卷
國子直講周曇有詩八卷顧曾詩多參古蹟曇詩概分
門類求其專覽一朝攷稽終始於詠嘆滛泆之中悠然
見所以興亡之故則或未之逮也吾師星橋先生枕經
靡史著作淵富今夏閱江南錄五代史南唐書等書以
及諸家叢志成南唐雜事詩春受而讀之竊嘆甄綜博
采未嘗不抽秘騁妍而命意之高寄旨之遠卽七言斷
句有取於史家得失之林令人蒼茫感喟而諷詠不能
已也夫南唐有江淮地傳世三歷年三十有九烈祖間
關困阨創業金陵立國之後與民休息仁厚節儉有古

賢主風國所以興也元宗五鬼用事措置失宜繼興國
楚之師境內虛耗諸將失律貪功輕舉迨奉表於周稱
臣割地失其所以謀國者而國日蹙矣使後主能恤政
事猶岌岌難於守城乃聲色驕縱酷喜浮屠雖亦深知
國蹙徒與羣臣酣宴愁思悲歌亦復奚益國所以終於
亡也先生於其興亡之故一一寫之於詩卽事擴據不
爲極言激論而風流跌宕江南得失往往於言外傳之
此詠史詩之有別裁者也嗚呼白頭宮人談天寶遺事
猶足令聽者感懷況詩之詞文旨遠可歌可泣者乎吾
知先生詩出如胡曾周曇輩之詠史更不足擅揚矣春

因蒐輯舊聞爲加釋注俾讀者易覽焉編旣成敢附數
言以質寶山門人浦勣春謹序

唐王建宋王珪及蜀花蕊夫人皆有宮詞之作後徽宗
所撰最富飛華振藻繪景摠情然所詠者宮闈之事義
止敷陳無關諷諭各闕綺麗於一時耳本朝漁洋山人
擬南唐事爲宮詞數首亦仿前人例於歷世興衰之故
持政得失之由則未遑及也元和顧星橋先生以論古
之識沉博絕麗之才廣漁洋意爲雜事詩四十二首不
以宮詞名者事不止繫於宮也烈祖元宗後主凡三世
綜覽史傳考核始終以清詞麗句寫之未嘗不披拾叢
殘而江南之興衰得失曲傳於抑揚唱嘆之際風人之
筆史家之旨獨兩兼之不名宮詞宮詞之特絕者乎

竊嘗抗覽五代之際十國紛爭僥得僥失卽李氏之亡
雖云天數而劍守異勢不能不咎後人讀史者宜三致
意也卽以紀南康者論馬元唐胡恢所述今已罕見歐
陽修五代史陸游南唐書薛勣卓然俱足稽考若南唐
近事江南野史湘山野錄諸書供一時之談助資文囿
之緒餘雖旁采焉必視作者之所擇矣今先生雜事詩
正史而外不遺軼事而旨歸所在則取政化之由出以
婉約之體令覽古者憬然悟爽然失感觸於不自知焉
斯則五代史南唐書之旨流示於篇什而不徒如王建
諸人之宮詞僅誇綺麗已也漁洋往矣以先生所作質

之其有相視而笑者哉勲雖不敏爰得輯是詩而謹爲
之序長洲施鴻勳拜撰

題詞

倚吳王鳴盛西莊

玉壺清話釣磯旁
小劫匆匆付夢梁
詞客祇今才似海
更拈彩筆繼漁洋

畫灰開國幾春風
轉眼興衰吊皖公
紀載紛紛馬又陸
括來一卷好詩中

刻楮彫瓊巧不如
恣繙龍衮戚光書
通天拜表非君事
也復閑情寄感歎

鯨碧蘭苕無不宜
零珠碎玉並稱奇
千秋金鏡編中見
莫認南朝側艷詞

吟壇坐徧魯諸生江表詩人盡讓兄錦瑟西崑空費解

何如當世得康成

浦流
槎注

入洛才名二十年逢迎處處孝廉船黃河遠上爭傳寫
筆盡成都十樣牋

題詞

丹徒

王文治 夢樓

南唐半壁支江東
皖公不落御酒中
靈槎老鶴徒鬱鬱
紫袍金貢何匆匆
風流偏有承平意
錦洞天中花滿砌
可憐後主好才華
寶帚揮成撥燈字
宮中誰最擅嬌嬈
周家姊妹雙翠翹
雲篆香焚獅子鼎
霓裳曲疊鳳皇槽
復有宮娘常近御
新月纖趺雙鞦韆
素潘妃踏地肯輕來
趙后揚裙恐飛去
忽傳戰艦橫江開
浮梁千尺爭喧扈
四百餘年舊家國
瓊枝玉樹俱蒿萊
月明此夕重回首
往事沉思復何有
一夜東風入小樓
烟條綠遍江南柳

吳苑才人鑑古精
新詞逸事譜分明
閨運興亡知有數
官家難得解多情
自從鐵筋潛謀日
直到牽機終七夕
飄蕭金粉拾遺灰
零落官商按殘拍
長江落日倚闌干
我亦無端老淚潛
雞塞夢回聞細雨
莫教低倡念家山

南唐雜事詩

元和顧宗泰景嶽著

寶山浦翔春鶴天註

長洲施鴻勳詔六輯

五代之際分據者十國其間惟吳越錢氏差爲
治。安江南李氏頗知文物。迨失國也江南亦無
異。天數有歸誠有如徐鉉所云者。顧其風流侈
靡。荒政崇佛。其極亦少替矣。昔漁洋山人著南
唐宮詞數首。格調工雅。致爲擅長。但偶撮大凡
至下江南之秋。歸宋祖之後。未嘗一及之。歲已

丑季夏。息影江廬。流覽史書。網羅雜志。采厥軼事。寫爲詩歌。不獨掇拾官中藻麗。于其興亡感慨。亦復致意。竊取乎史家得失之旨焉。詩成共得四十二首。余及門士爲注之。若夫務奇門巧。追襲舊于一字一句之間。則才筆蕪淺。有所未敢云爾。

水亭細語憶齊邱。終取江南舊帝州。九歲尊前傳妙句。明燈那怕冷風秋。

通鑑徐知誥以齊邱爲盟主。夜引齊邱于水亭。屏語常至夜分。或居高堂。惠去屏障。獨置火爐。以鐵筋畫灰爲字。故所謀人莫得而知。又晉高祖二年。吳王禪位于齊。齊王徐知誥卽帝位于金陵。國號唐。詩史知

諧九歲在徐溫家作詠燈詩溫閱之嘆賞不以常兒
遇之按詩云一點分明值萬金開時惟怕冷風侵主
人若也勤挑撥敢
向尊前不盡心

鐵人捧燭對黃昏清緒依然示子孫烏舅金奴名字好
案前頻喚小黃門

陶穀清異錄江南烈祖素儉寢殿燭不用脂蠟灌以
烏舅子油但呼烏舅案上捧燭鐵人高尺五云是楊
氏時馬廐中物一日黃昏急須燭喚小黃門接過
我金奴來左右竊相謂曰烏舅金奴恰好作對

清風自肅殿門環二八仙娥媚翠鬟玉手如蕤調御膳
官家偏爲一開顏

陸游南唐書後宮种氏名時光性警慧年十六入宮
列樂部中俄得幸生景遇种氏寵日盛列祖嘗怒聲
如吼虎殿門環爲震動左右哀喚种氏左手
持食右手進匕從容如平時烈祖怒亦頓解

蘭加鴟尾葛帷。開底用紛華門綺。裁惟有銅駝橋上騎。
會馳八萬耀威來。

陸游南唐書帝性節儉。暑月寢殿施青葛惟。建國始
卽金陵。治所爲宮。惟加鴟尾設闌檻而已。終不改作。
又昇元二年冬十月丙子。立太學。矣未新羅使來。
朝貢壬辰。命吳王璠勒步騎八萬講武銅駝橋。

白虹繞指響錚然。儘可宮中貯劍仙。不分神丹通夢語。
更將金石事延年。

陸游南唐書潘昞自稱野客。嘗依海州刺史鄭匡。國
一日俱至靜院探懷出二錫丸置掌中。俄而氣出指
端如二白虹。旋繞匡國頸有聲錚然。匡國汗下如雨。
曰先生之術神矣。觀止矣。昞笑引手收之。復爲錫丸。
匡國薦于烈祖。召居紫極宮。南唐近事昞後欲傳其
法于人。夢其師怒。擲洩靈術。陰奪其法。寤不復能劍。
又陸游書烈祖夢得神丹。適史守冲詣宮門獻丹方。
昞亦以方繼進。烈祖皆神之。以爲仙人使鍊金石爲

丹服之多暴怒臨終謂元宗曰吾服金石求長年今反若此汝宜以爲戒也

風流伯玉最工文。紅葉朝霞字字新。却笑後湖花萬頃。比流碧血斬佳人。

古今詩話廬山百花亭刊石環有句云蒼苔迷古道紅葉亂朝霞按陸游南唐書唐元宗名璟字伯玉風度高秀幼工屬文鄭文寶南唐近事後湖周四十餘里幕府雖籠蔣山環聳左右名園勝境掩映如西六朝舊跡都出其間元宗遊後湖賞蓮花詩云蓼花蘸水火不滅水鳥驚魚銀梭頭滿目荷花千萬頃紅碧相雜敷清流孫武已斬吳宮女琉璃池上佳人頭據遺云識者謂非吉語

飲香亭榭碧闌干。報道初開湘畹蘭。采土滬溪勤護惜。芳馨亦作列侯看。

陶穀清異錄唐保大二年國主幸飲香亭賞新蘭詔苑令取滬溪美土爲馨列侯擁培之具

宛然玉貌是神仙。初見春生綺帳前。從此曉寒爭搗雪。
宮人學門爪痕妍。

馬令南唐書女冠先生歌。鳥爪玉貌宛然神仙元宗
召見止於臥內。嘗搗雪爲鑒。燕之成金指痕隱然猶
在。

翩然仙號九華山。五鬼紛綸盡比肩。却訝檀來歌並作。
齊雲水面湧樓船。

歐陽修五代史景以馮延巳常夢錫爲翰林學士。馮
延魯爲中書舍人。陳覺爲樞密使。魏岑查文徽爲副
使。夢錫直宜政殿。掌密命而延巳等皆以邪佞用事。
吳人謂之五鬼。又朱齊邱賜號九華先生。封青陽公。
又周世宗南征。圍濠州。濠州刺史郭延謂請命于景
景許其降。又取泗州。周師步騎數萬。水陸並進。軍士
作檀來之歌。聲聞數十里。又周師南征。無水戰具。屢
敗。景兵獲水戰卒。乃造戰艦。又造齊雲船數百艘。

龍舟千里蕩輕風。舉酒空波一望中。青峭數峯依舊好。
皖公山色隔江東。

陸游南唐書元宗失江北還豫章龍州至趙屯舉酒
望皖公山曰好青峭數峯不知何名家明對曰此舒
州皖公山也因獻詩曰皖公山縱好不落御觴
中元宗太息罷酒去按家明姓李元宗時優人

珠簾飛雪映寒花。樓上傾尊清興賒。何事盈盈衣帶水。
思縈北望托靈槎。

環保大五年元日大雪登樓詩珠簾高卷莫輕遮往
往相逢隔歲華春氣昨宵飄律管東風今日放梅花
素姿好把芳姿掩落勢還同舞勢斜生有賓朋尊有
酒可憐清味屬儂家通鑑曹彬大軍進次秦淮潘美
率兵先赴令曰美提號果數萬人戰勝攻取豈限此
一衣帶水而不徑度乎按此係破江南時事今止用
衣帶水三字耳古今詩話環割江之後遷都豫章每
北望忽忽不樂有句云靈槎思浩首老鶴倚崆峒

藕華遺恨去金陵。監國還教卜太平。殿上紫袍新着就。
重瞳江左又重生。

陸游南唐書國主北望金陵鬱鬱不樂寢疾不復進膳惟啜蔗漿嗅藕華又後主名煜字重光元宗第六子廣穎豐頰駢齒一目重瞳子元宗殂嗣立于金陵冬十月太祖遣樞密承旨王文來賀初元宗雖臣于周猶用王者禮至是國主易紫袍見使者使退如初服

桂棟蘭窗冒曉烟。隔筒花奪綺羅鮮。更編金葉消清晝。
長住春風錦洞天。

陶穀清異錄李後主每春盛時梁棟窗壁柱拱階砌並作隔筒密插雜花榜曰錦洞天品外錄葉子如今之紙牌酒令鄭氏書曰有南唐李後主妃周氏編金葉子格此戲今少傳

中禁屏風製皂羅。硯山聳翠引坡陀。揮牋好破櫻桃口。

親聽花前一曲歌

續墨客揮犀凡視五色皆損目惟黑色于目無損李氏有江南日中書家用皂羅糊屏風所以養目也王丞相在政府亦以皂羅糊屏障陸游避暑漫抄後主嘗買一硯山徑長才踰尺前聳三十六峯皆大猶手指左右則引兩阜坡陀而中鑿爲研及江南國破研山因流轉數十人家爲米老元章所得悅生隨抄亦云李後主一斛珠詞一曲清歌暫引櫻桃破

寶珠如月照千層光浸樓臺碧宇澄偏是官中長不夜底須燃遍九華燈

王銍默記伐江南時大將獲後主寵姬夜見燈輒閉目云烟氣易以燭亦閉目云烟氣愈甚日然則官中未嘗點燈耶云官中至夜則懸大寶珠光照一室如日中也

花移金殿麝囊開不用尊前羯鼓催扇鵲燈魚齊映處

風流占斷紫蓬萊

陶穀清異錄廬山僧舍有麝囊花一叢色正紫類丁香號紫風流江南後主取數十根植于移風殿賜名蓬萊紫後主詩九重開扇鵠四牖炳燈魚

翔步柔儀樂未央。翩然高髻曳纖裳。折腰獅子三雲鳳。待月先焚百和香。

陸游南唐書昭惠后寵嬖專房創爲高髻纖裳及首翹髻朶之妝人皆效之陶穀清異錄李煜僞長秋周氏居柔儀殿有主香宮女其焚香之器曰把子蓮三雲鳳折腰獅子小三神名字金鳳口嬰玉太古容華開凡數十種金玉爲之

花餅春深出建陽。曉來施額遍諸房。樓金紅頰矜新樣。邀寵君王北苑妝。

陶穀清異錄江南晚季建陽進茶油花子大小形製
各別極可愛宮嬪縷金于面皆以淡妝以此花餅施
于額上時
號北苑妝

紅燭筵前試彩毫。會邀妙舞醉芳醪。霓裳一曲新偷就。
夜夜香生鳳尾槽。

陸游南唐書昭惠后通書史善歌舞尤工琵琶嘗雪
夜酣宴舉杯請後主起舞後主曰汝能創爲新聲則
可矣后卽命賡綴諧喉無滯音筆無停思俄頃譜成
所謂邀醉舞破也又故唐盛時霓裳羽衣最爲大曲
亂後不傳后得殘譜以琵琶奏
之于是開寶遺音復傳于世

倚翠依紅遞酒籌。鴛鴦教主太風流。可憐手足皆成贅。
曾拜空王學淨修。

陸游避暑漫抄李煜在國微行娼家遇一僧張席煜
遂爲不速客僧酒令謳吟吹彈莫不高了見煜明俊

醺藉契台相愛重燈乘醉大書右壁曰淺斟低唱偎紅倚翠大師鴛鴦寺主住持風流教法久之僧擁妓之屏帷燈徐步而出僧妓竟不知燈當密諭徐鉉鉉言于所親焉通鑑南唐主酷信浮屠退朝與后跟僧衣誦佛書拜跪手足成贅僧有罪命禮佛釋之

開遍紅桃後圃西高枝欲折手猶低花前引鞚偏輕捷別有春風綠耳梯

陶穀清異錄江南後主同氣宜春王從謙常春日與妃侍遊宮中後園妃侍觀桃花爛開意欲折而條高小黃門取綵梯獻時從謙王乘駿馬擊毬乃引鞚至花底痛采芳菲願謂嬪妾曰吾之綠耳梯何如

設膳香生繡幄中承平此夕有遺風當筵不獨春風饌驚餅駝羹刀七工

陸游南唐書某御厨者失其姓名唐長安舊人也鄧膳宴設賴之畧有中朝承平遺風其食味有鴛鴦餅

天喜餅馳蹄饌春分饌密雲餅鑄糟炙瓊璫
饌紅頭簪五色餛飩子母饅頭舊法具存

日映仙雲秋氣涼。深宮爲壽醉歌長。翹軒寶幕清娛外。
行遍中書燕羽觴。

海錄碎事後主詩曰映仙雲薄秋高天碧深孔帖後
主詩傾盤更爲壽深危遽酬賞陶穀清異錄宜春王
喜書扎學晉二王楷法用宣城諸葛筆一枝酌以十
金勁妙甲當時號爲翹軒寶簪士人往往爲呼寶簪
又江南中書尉宰相飲器有燕羽觴似常杯而狹長
兩邊作羽形塗以佳漆云者有宰相病目惡五色眩
明凡器用
類改令黑

一憶痕眉一斷腸。珠翹何處泣娥皇。瑤光殿裏淒涼夜。
依舊殘梅帶月香。

陸游南唐書昭惠后周氏小字娥皇司徒宗之女後
主書靈筵手巾詩浮生共顛顛壯歲失嬋娟并手遺

香漬痕眉梁黛烟又梅花詩殷勒移植地曲檻小閣
邊共約重芳日還憂不盛妍阻風開步障乘月溉寒
果誰料花前後蛾眉却不全按昭惠后年二十九殂
後主花辰月夜無不傷懷嘗與后多植梅花于瑤光
殿西及花時而后
已殂賦梅花詩

舉帷人去錦屏孤二破伊誰按譜圖金屑花前尋往夢
祇堪和淚問流珠

陸游南唐書后寢疾小周后已入宮中后偶舉幔見
之驚曰汝何日來小周后尙幼未知嫌疑對曰既數
日矣后悲怒至死而不外向又宮人流珠者性通慧
工琵琶后所作邀醉舞恨來遲二破久而忘之役主
追念問左右無知者流珠獨能追憶無所忘失又后
卒後主自製誄刻之石與后所愛金屑檀槽琵琶同
葬

丙庭端戚往來通早幸春風眷麗容連理蛾眉情一樣

應同。城上憶芙蓉。

通鑑唐主立周氏爲后周氏故后之妹也美姿容以
媚戚來往先得幸于唐主后卒遂册立之後主感懷
詩層城無復見嬌姿佳節纏哀不自持
空有當年舊烟月芙蓉城上哭娥眉

玉琢金雕構小亭。三春買宴醉娉婷。此中境密無人到。
只許飛花墜曲櫺。

陸游南唐書後主於羣花間作亭雕鏤華
麗而極迫小僅容二人每與后酣飲其中

蓮。瓣。生。華。善。解。愁。宵。娘。此。夕。下。樓。頭。翩。翩。素。襪。凌。雲。舞。
纖。足。偷。髻。新。月。鉤。

道山清話李後主宮嬪宵娘善歌舞後主作金蓮高
六尺作品色瑞蓮令宵娘以帛纏足令纖小作新月
着素襪于蓮中一
回旋凌雲之態

龍鳳金銀貢使頻呼名歲歲賀長春。澄心堂裏幾清宴。
伴月香穠坐貴人。

通鑑南唐遣其臣翟如璧貢金銀錦綺千萬。又南唐
獻銀二萬兩。金銀龍鳳茶酒器數百事。又南唐乞去
國號。改唐國主爲江南主。且請賜詔呼名。又江南主
煜以長春節別貢錢三十萬。歲以爲常。又唐中旨多
自澄心堂出。中書密院俱同散地。陶穀清異錄徐鉉
或遇月夜露坐中庭。但薰佳香一炷。其所親私別號
伴月香。

帽紗輕格識韓君。香燕班頭善綴文。最是公中多妙墨。
烟雲攜去恨紅裙。

陶穀清異錄韓熙載在江南造輕紗帽。匠帽者謂爲
韓君輕格。又李景保大七年召大臣宗室赴內香燕。
凡九十二種。江南素所無也。又韓熙載留心翰墨。四
方膠牒多不合意。延匠燒墨供用。命其所曰化松堂。

墨又曰空中子又自名廡香月匣而
一寶之熙載卒妓妾攜去了無存者

依然花萼重連枝江北歸期未有期
苦憶燕閒宮漏永
薔薇影覆並觀棋

通鑑南唐道弟從善來朝帝以從善爲泰寧軍節度
賜第留京師南唐主手疏求遣優詔不許又江南主
悲戀不已歲時宴會皆罷作登高文以見意至是遣
常州刺史陸符昭入貢奉手疏求從善歸國帝不許
按從善字子師有薔薇詩
又從善弟從謙有觀棋詩

保儀書記冠嬌嬈萬卷雲鸞裏碧綃王粲遺篇題筆後
飄零詩識到金朝

馬令南唐書保儀黃氏容態華麗冠絕當世會小周
后專房由是進御稱而品秩不加第以掌墨寶而已
後主題金縷子後詩牙籤萬軸裏紅綃王粲書同伶
火燒不是祖龍留面目遺篇那得到今朝楓窗小牖

云此詩同書藏內庫今朝誤作金
朝徽廟惡而抹之後竟如謾入金

采石危礮若木舟釣師千尺溯江流打標舊有凌波卒
不奈空麾白鷺洲

通鑑池州人樊若水舉進士不第因謀歸宋乃魚釣
于采石江上乘小舟載絲繩其中維南岸疾棹至北
岸數十往返得其江之廣狹因詣關上書請造浮梁
以濟師帝然之又李煜初聞宋作浮梁以爲兒戲未
以濟師帝然之又李煜初聞宋作浮梁以爲兒戲未
師將渡江煜以鄭華彥督水軍萬人杜真領步軍萬
人同逆宋師將行江南主誠之曰兩軍水陸相濟無
不捷矣彥華以戰艦鳴鼓沂流而上急趨浮梁潘美
麾兵敗之真以所部接戰不能救亦敗十二月己酉
曹彬敗江南軍于白鷺洲馬令南唐書保大中許郡
縣卹社競渡勝者加以銀掖謂之打標舟子皆籍其
名至是則盡蒐爲卒謂之凌波軍

耀日紅旗遍野垌南來金鼓震雷霆深宮依舊談元妙

日夕開持貝葉經

通鑑江南主委兵柄於皇甫繼勳委機事于陳喬張
洎諸臣請所在堅壁以老朱師江南主遂弗爲慮日
于後苑引僧及道士誦經講易高談不恤政事一日
自出巡城見宋師列柵于外旌旗遍野知爲近習所
敬始
驚懼

蠟丸江上事成空徐鉉猶稱報國忠當日月團三萬值
雲烟染翰奪天工

通鑑帝召徐鉉責以不早勸煜降對曰臣爲江南大
臣國破當死不當問其他帝曰忠臣也又責張洎出
洎所草召上江援兵蠟丸書示之洎謝曰書實臣所
爲大吹非其主此其一耳他尚多有今得死臣之分
也辭色不變帝奇之以爲太子中允陶穀清異錄徐
鉉兄弟工翰染崇餘書具嘗出一月團墨曰此價值
三萬

白衣紗帽待瓊樓。添給金錢月俸優。兄弟四人三百口。
雲籠遠岫石城愁。

綱鑑會編帝御明德門令煜君臣白衣紗帽至樓下
待罪詔並釋之又初曹彬令煜治裝煜方以亡國爲
念不及多取留京資甚言於帝命增給月俸仍賜錢
三百萬後主望石城詩江南江北舊家鄉三十年來
夢一場吳苑宮闕今冷落廣陵臺殿已荒涼雲籠遠
岫愁千片雨打歸舟淚萬行兄弟四人三百口不堪
閑坐細思量

妙將風月寫奇思得意依然學士詩不分羞春春漸老
黃羅書付慶奴時

後主詠扇詩揖讓月在手動搖風滿懷石林燕語宋
太祖嘗因曲宴使煜誦其得意詩舉此太祖曰好一
箇翰林學士又賜宮人慶奴詩風情漸老見春羞到
處消魂感舊游多謝長條似相識強垂烟態拂人頭

墨莊漫錄云煜嘗書黃羅扇上至今藏在貴人家

小樓往事憶春酣。善。言。清。宵。最。不。堪。玉。面。洗。時。惟。眼。淚。
家。山。何。處。是。江。南。

吟嚙集江南錄云李國主周后隨後主歸附封鄭國夫人例隨命婦入宮每一入輒數日出必大泣罵後主主多方宛轉避之云此非汝家又李國主歸附後與金陵舊宮人書云此中日夕只以眼淚洗面馬令南唐書後主妙音律舊曲有念家山主演爲念家山破其音唯殺其名不祥乃敗後也

新詞譜出舊江山。逸。矣。風。流。恨。玉。環。流。水。落。花。成。底。事。
碧。筠。簾。外。雨。潺潺。

後主浪淘沙詞簾外雨潺潺春意闌珊羅衾不耐五更寒夢裏不知身是客一晌貪歡獨自莫憑闌無限江山別時容易見時難流水落花歸去也天上人間詩話周后臨殂以琵琶及常臂玉環親遺後主吟嚙

集李煜歸附後鬱鬱不樂見乎詞語

眞風觀裏字依稀。紅粉芳儀孰是非。回首柏梁紫舊夢。
江南花發鵲鵲飛。

陸游避暑漫抄李芳儀江南國主李景女也納土後
在京師初嫁供奉官孫某爲武彊都監爲遼中聖宗
所獲封芳儀趙至忠虜部自北虜歸嘗仕遼爲翰林
學士修國史著虞庭雜記載其事晁補之爲北都教
官覽其書而悲之作芳儀曲有金陵宮殿春霏微江
南花落鵲鵲飛及雙燕清秋夢柏梁吹落天涯猶並
羽之句廬山眞風觀李主有國日施財修之刊姓氏
于石有大寧公主永禧公主皆李景女不知芳儀者
孰是也

生辰乞巧薦杯棹莫遣清歌更佐歡。難塞不堪回首處。
小樓吹徹玉笙寒。

陳。寔。唐。餘。紀。傳。煜。以。七。夕。日。生。是。日。燕。飲。聲。伎。徹。子。
禁。中。太。宗。銜。其。有。故。國。不。堪。回。首。之。詞。至。是。又。愠。其。
酣。暢。乃。命。楚。王。元。佐。等。攜。觴。就。其。地。而。助。之。飲。酒。闌。
煜。中。牽。機。藥。毒。而。死。時。年。四。十。二。後。主。山。花。子。詞。細。
雨。夢。回。雞。塞。遠。小。樓。吹。徹。玉。笙。
寒。多。少。淚。珠。何。限。恨。倚。闌。干。

白髮新添客緒悲扇疑千古怨南箕西風黃菊誰揮淚
片石空留東海碑

翰府名談後主詩髯從今日新添白菊是去年依舊
黃通鑑煜卒詔侍臣撰神道碑有與徐鉉爭名欲中
傷之者奏曰知李煜事迹莫若徐鉉帝未悟遂詔鉉
欽請對而泣曰臣舊侍李煜陛下容臣存故主之義
乃敢奉詔帝始悟讓者之意許之故鉉之爲碑但推
言歷數有盡天命有歸而已其警句云東隣邁禍南
箕扇疑投杼致慈親之慈乞火無里婦之談
始勞因墨之師終後塗山之會帝覽讀稱嘆

月滿樓詩集卷五

元和顧宗泰景嶽

悼亡集

古今體

悼亡詩十六首

并序爲陳恭人作名晚蘭字信芳

春紅電碎。夏綠霜雕。傷繡幙之香寒。歎珠簾
之影斷。慈親灑涕。誰羞魚菽。以承歡。嬌女悲
啼。孰指雪桃。而取祝。不歸明月。一水銀河空
對。落花三年。長簾併新愁。於舊緒。追風歎於
殘春。取次有吟。愛以志悼云爾。

繡幙承塵冷舊熏。情悰轉盼付浮雲。鹿車曾挽花開後。
今日春殘憶少君。

其二

爲溯家風舊潁川。香閨少小習詩篇。傷心萱草摧堂北。
淚灑花紅頽面天。少失恃

其三

曾從名叔過廬江。三月春風舉綠幢。暑憶羅田好風景。
昔遊鴻爪話蘭牕。叔父侯英山少
隨往衣嬌氏

其四

閨門雜佩謹無儀。菽水承歡戲綵時。還憶銀鐙勤伴讀。

常教三復白華詩

其五

三逕花濃鎖綠陰。西堂剪燭集朋簪。閨中解得風人意。
贈佩當年最斷金。

其六

甲煎香寒繡幙中。謝家才思倚春風。可憐冰繭留殘帙。
無復清吟聽草蟲。

其七

臨風小別闌闌城。夢裏雲山記旅程。七字江南賜斷句。
杏花微雨過清明。

余客遊山左時
內所寄吟句也

其八

深閨答拜媿樊英。和緩難教我病輕。辛苦熏爐調藥碗。
不眠風雨伴殘更。余病內關心藥裏永夜不眠後病劇願以身代

其九

蘭芽初茁竟摧殘。嬌女還憐繡襖纏。今日牙牙看學語。
無知長戲殯宮前。

其十

珠露零堦暑已闌。方知今日夏衾單。清砧響斷空閨月。
誰授秋衣禦薄寒。

其十一

井桐葉落露零餘。殘月淒涼照綺疏。惆悵舊樓魚鑰閉。
寒蟲吟徹五更初。

其十二

文牕窈窕曲闌干。手種梅花玉砌邊。魂斷春風誰點額。
黃昏疎影鬥嬋娟。

其十三

玉蟬金雀罥蜘蛛。絲小閣無人翠幙垂。迴憶鏡臺花影亂。
一鈎新月晚粧時。

其十四

短檠永夜唱黃雞。痛絕仙遊翠水西。最是曉牕殘夢醒。

幽禽空作杜鵑啼。

其十五

人間爭羨返生香。妙子誰呼永斷腸。一樣疎簾飛紫燕。
清風長簾自空床。

其十六

梨花疎雨前塵夢。柳絮春風再世緣。太息生離與死別。
逆將痛淚灑重泉。

題詞

吳縣 徐曰璉 商珍

素琴無留響。皓魄無停光。英英幽谷蘭。不得常芬芳。
潁川有好女。婉孌耀明璫。夫婿千人俊。玉樹臨風翔。

同心潔滌髓白華奉尊嫜勸夫富學殖卷軸勤丹黃
勗夫慎交遊還往半老蒼余忝夙契好屢登君子堂
中廚咄嗟辦兒案羅酒漿每感主意厚益識婦德良
首夏我友疾儕輩爲倉皇逾月得相見貌悴神轉傷
袖中出新詩慘戚陳悼亡上言蚤失恃艱苦境備嘗
下言于歸後婦順能自將生子殞襁褓弱女初扶床
夫病請身代斯禱果不祥讀罷三太息愁雲鬱高岡
人生如轉燭世事真滄桑月虧有時盈絃絕胡能張
芳華空馥郁一夕零秋霜逝者長已矣存者淒中腸
君家有老親涕淚沾襟裳君才合世用騏驥當騰驤

願君良自愛勿以悲思戕勉旃務立身慰彼泉下望
嘉定
曹仁虎 萊嬰
兩美從知合比肩無端寶瑟忽摧絃人間漫說吹簫
侶天上初歸寫韵仙落葉哀蟬傷舊曲鬢絲禪榻怨
華年潘郎從此添憔悴彷彿屏幃倍黯然

吳江
吳山秀 人虬

空閨瑟瑟捲靈風榴火飜堦血淚紅記得去年曾病
渴不眠人坐藥爐中

小別臨風黯自傷封題錦字十三行星橋明月原如
舊一水銀河路渺茫

長洲 褚廷璋 左莚

遺恨難填精衛禽無端寶瑟韻銷沉金魚玉盃前塵
夢碧海青天永夜心短髻慈親披素練深閨嬌女泣
秋砧滿郎奩柱知多感千古無情擊缶吟

上海 張熙純 策時

井梧蕭瑟作秋聲塵暗瓊牕百感生愁絕年華催雁
柱依然明月漾簾旌埋香自續安仁賦座玉真傷奉
倩情珠閣遺徽猶彷彿可容飛夢到曾城

吳縣 劉 潢 懋山

一枕初寒客夢醒知君衫袖淚痕斑金鈿翠羽都零

落猶向人前佩玉環

五年前事閱滄桑。泡影因緣總渺茫。
白髮含飴垂望切。安仁何以慰高堂。

悼亡詩一首

并序爲戴恭人作
名蘋采字南濱

三年舊夢。錦瑟長悲。一夕新愁。瓊枝短折。人
生不幸。魂消非獨生離。天道寧論。腸斷再逢
死別。悵流芳之欲歇。悼逝者之長辭。遇之戚
也。情何如矣。乃緣情不忍。卽事縷陳。重憐玉
碎。香銷。詞多失次。最苦芝摧。蕙絕。淚數無行。
豈云情至文生。總感人亡物在。用是哀摠魚

經。曷。禁。痛。灑。鮫。珠。已。

悲。風。蕭。瑟。來。空。谷。愁。雲。慘。澹。寒。高。岡。百。年。如。水。水。東。逝。
九。畹。滋。蘭。蘭。不。芳。蘭。摧。香。死。何。太。急。秋。珠。滴。露。芙。蓉。泣。
龜。甲。屏。虛。繡。幙。垂。鴨。頭。爐。冷。沉。香。襲。幙。垂。香。襲。悵。幽。人。
架。雲。夢。斷。杜。鵑。春。玉。花。八。尺。空。長。簾。金。釵。十。二。委。餘。塵。
憶。昔。中。秋。月。初。皎。聞。君。小。病。愁。心。繞。未。歸。時。已。以。小。病。聞。報。道。有。
喜。藉。函。方。便。似。忘。憂。對。蕋。草。溫。郎。玉。鏡。春。風。回。秦。樓。鳳。
管。夕。陽。催。此。時。卻。扇。歌。明。月。此。日。牽。桂。追。蓬。萊。淥。水。白。
魚。初。比。目。春。林。黃。鳥。雙。集。穀。及。爾。階。老。誓。同。心。合。似。秦。
嘉。配。徐。淑。憶。凭。勾。欄。楊。柳。風。指。點。閒。堦。花。木。叢。思。添。翠。

籀千竿竹。思裁碧玉雙枝。桐。剎。犀。每。把。春。山。蹙。金。蟬。低。
壓。雲。鬟。複。嬌。紅。慘。黛。不。勝。情。臨。風。偏。似。愁。成。斛。非。關。愁。
緒。觸。芳。心。昨。宵。惡。夢。驚。香。衾。香。衾。帶。夢。不。成。睡。舊。疴。感。
序。還。相。侵。藥。囊。偏。進。流。蘇。帳。醫。人。時。問。青。綾。障。水。晶。簾。
外。日。光。寒。強。起。梳。頭。試。宮。樣。轉。瞬。膏。肓。恨。鞠。凶。縱。來。和。
緩。孰。施。功。無。情。瓢。卦。傳。仙。語。癡。心。瓦。卜。禱。神。工。一。旦。潘。
魚。增。太。息。眷。言。謝。絮。徒。沾。臆。餘。粉。還。棲。翡。翠。奩。殘。紅。猶。
落。珠。璣。飾。珠。璣。翡。翠。空。蟬。娟。驚。看。遺。挂。痛。重。泉。四。十。一。
日。分。鸞。鏡。計合卷至下世
祇四十一日二十。三。絲。摧。鳳。絃。風。淒。雨。驟。
情。彌。苦。燭。冷。煙。銷。恨。難。吐。玉。蟾。滴。水。悵。夜。闌。金。雞。叫。曉。

伊誰語。伴本傷心。劉子真三春錦瑟。歎前因。孤吟重墜。
落花夜對酒。還憐寒食辰。離鸞別鵲。空今日。新愁舊緒。
成幽疾。高歌不解。莊子盆悲。思併入江生筆。

悼亡詩二十首

并序爲金恭人作
名綺香字宛霞

生無百歲堪此長。憂別詎三秋。嗟其永訣。渺
昔年之錦瑟。斷此日之冰絃。癸甲一週。方同
心而好合。卯辰兩紀。乍見面而終睽。柳折樓
頭。幸刀環之遂約。蓉牽江上。悲珮瑛之仍捐。
憐送我以移舟。津亭小泊。願慰君而寄札。金
帖飛傳。病以愁添。情至偏慙。奉倩感因離切。

思深豈怨秦嘉雨。過廢城。話舊悰。于。臆。燭。月。
明。鶴。市。申。新。緒。于。庭。砧。夫。何。碧。漢。人。歸。藍。橋。
路。遠。纏。綿。藥。裹。莫。救。刀。圭。寂。寞。花。容。難。追。圖。
畫。痛。衣。裳。之。施。盡。愴。鍼。線。之。畱。餘。筭。珥。分。將。
垂。死。恩。推。桃。葉。箴。金。付。子。半。生。慈。軫。蘭。枝。維。
懃。悔。于。旃。林。空。云。佛。佑。念。瞻。依。于。萱。砌。祇。益。
親。悲。魂。招。翠。水。之。西。難。期。永。夜。夢。遇。玉。樓。之。
左。未。卜。他。生。已。矣。何。言。嗟。乎。頓。盡。茶。鐺。經。案。
已。兩。度。之。推。懷。臺。鏡。簾。旌。又。九。泉。之。抱。恨。當。
吟。斷。梨。雲。之。夕。正。春。深。穀。雨。之。辰。苦。聽。虞。歌。

淚零楚些。悵三年于薊北。從教水問綠波哀。
千里于江南。不奈花開紅豆。風淒逕渺。疇更
吟謝絮之香。塵冷牀空。聊自寫潘魚之韻。

魂斷淒其穀雨辰。

壬辰三月十七日
下世是日逢穀雨

此生從此隔前塵。

悲君悲我悲無盡。回首匆匆三十春。

其二

卻因死別憶生離。送我京華北去時。淚灑西津春水綠。
黯。然執手話臨岐。庚寅春余入都扁舟送子西
津橋臨岐話別慘不勝情

其三

支持弱質久經年。藥裏生涯亦可憐。上計秦嘉頻遠出。

授衣扶病夜裝綿。

子每出遊必親爲治裝

其四

靜好依然在御琴。中厨料理更誰任。飯香魚熟貧家饌。每勸加餐朝夕心。

其五

燕衍逢時集友生。疎狂往往酒爲名。君真不媿劉伶婦。苦戒花前醉碧觥。

其六

病中轉喜破深愁。爲我庚年鶚薦秋。豈料歸家成永訣。痛君日日望刀頭。

其七

親書無恙寄長安。欲遣羈懷暫一寬。今日書留人不見。
忍和紅淚拂塵看。予在都門寄書每云平善

其八

房櫳長臥苦無悰。夜雨晨風悴玉容。病裏慘籌身後事。
衣衾親檢付裁縫。凡衣衾棺槨病中皆自定

其九

支離玉骨暗魂銷。早歎芳姿取次彫。自欲寫真畱面目。
碧羅帳啟倩工描。病篤倩畫手畱真自持妝鏡評量像否

其十

引雛不育歎如何。妾夢微蘭撫恤多。垂死牀頭呼四子。
遺金分子涕滂沱。

其十一

春遊豈忍解征驂。生死須臾痛不堪。卻感鄉家偏勸駕。
勿因情累滯江南。壬辰春子將赴禮闈試以其病重不
果行然病中猶屢促裝謂勿以伉儷
情左功
名事也

其十二

其命飛禽中道摧。頻伽失侶最堪哀。誓今懺昔成何事。
空向如來乞壽來。生平最
信佛

其十三

猶憶含愁坐綺疏。同憐清景寄長歔。他年對月云誰共。
今夕心悲月上初。

其十四

舊枝又見桐花發。古樹還憐柿葉翻。覓影追聲襟佩杳。
背人私淚獨憑軒。

其十五

淒清蟾影照幽房。回首音塵托渺茫。尙有舊人餘婢僕。
花前閒與話愁腸。

其十六

兩次弦摧悼鏡奩。此番懊恨又重添。誰知嬌女相從逝。

月清相言集 卷二
每看春花涕淚兼

其十七

幾回擱筆咽悲懷。追溯從前百事乖。恨到斷期情不斷。
鏡臺難問舊鸞釵。

其十八

殯宮一載鎮相依。今厝孤墳露未晞。歲歲有花開陌上。
可能緩緩待春歸。

其十九

謝女魂銷冷畫屏。窗西兀坐一燈青。人生此恨難排遣。
願誦楞伽四卷經。

其二十

殘煙餘粉散東風。寒食梨花夢已空。獨念生平眉未展。
教人長痛百年中。

題跋

長洲彭啟豐芝庭

江郎賦別傷深春。草綠波潘令悼亡愁。寄夕風朝露。
流芳未歇。隔弱水之三千。幻夢無端。渺層樓之十二。
未克忘情于太上。能無寫怨于中宵。爰有吳會名家。
野王賢裔。占聞鳴鳳曲譜。求鳳庭前。蘭氣方新。臺上。
簫聲未絕。送行河畔。偏傷折柳之辰。捷報金泥。早慰。
斷機之望。夫何名花易謝。缺月難圓。藥裏頻煩。孰挽。

稠桑之駕真容寂寞長局光碧之堂于是汨灑瑤箋
聲摧錦瑟盼重泉而不見瞻比目以言愁粧閣夜寒
惟對半窗蟾影殯宮春雨空飛一樹梨花誦孫楚之
篇淒然魂斷念荀郎之語默爾神傷逝者如斯嗟何
及矣僕也中年喪偶暮景無聊藥曰繩床緬右丞之
高致古槐長藿愧元相之深情焚香閒復轉金經攬
鏡何須悲白髮把君佳句觸我離懷泡影浮生且鼓
盆而對客風流佳話會化鶴以還家爰抒曠達之詞
用解幽憂之疾癸巳春三月旣望香山老人彭啓豐

跋